

Awe sentencia ta cay den caso penal contra Glenbert Croes

ORANJESTAD (AAN) -- Awe mainta Corte den Promer Instancia ta dicta sentencia den e caso penal cu Ministerio Publico a cuminsa contra lider di partido OLA, Parlamentario Glenbert Croes.

A trata e caso aki dia 15 di Januari 1999 caminda e acusacion contra Glenbert Croes ta cu na Februari 1997, tempo cu e tabata minister di Transporte y Comunicacion, e tabata complice di falsificacion di un carta cu Adri de Palm a manda pa Ben Wilms di DOPV. Ta asina cu Ben Wilms mes a traha e carta y Glenbert Croes a firma esaki, aprobando asina e falsificacion. E carta ta fecha 3 October 1997 siendo cu esaki a ser traha na Februari 1998.

Ademas e carta ta bisa cu Adri de Palm no a viaha pa Detroit pa trabao pa motibo di malesa, cual no ta cuadra cu e berdad. De Palm tabata bon di salud.

Durante tratamento di e caso

Glenbert Croes a bisa Juez cu como Minister di Transporte y Comunicacion, Adri de Palm a acerke den gang di edificio di gobierno cu un carta.

Segun Glenbert, el a mira e carta y tabata sa e intension di esaki. Door cu el a mira cu Ben Wilms a firma, el a firma tambe.

El a sigui bisa cu e no a bay controla e carta esta cu si e fecha ta bon y si e contenido ta bon. El a splica Juez cu pa dia nan ta haya asina hopi documento pa firma cu e no ta fiha kico ta e contenido di e carta. El a bisa cu el a firma a base di e confianza cu e tin den Ben Wilms.

Glenbert a sigui bisa cu Wilms tabata consehero di su difunto tata y p'esey el a manda busca Wilms pa traha p'e como director di DOPV. A base di e confianza aki el a firma e carta sin paga tino riba e contenido y e fecha. Awor ta resulta cu e carta ta falso.

Fiscal a muestra cu tanto de Palm como Wilms a declara

cu Glenbert Croes tabata sa di e carta y cu Glenbert a firma promer y despues Wilms a firma.

Esaki segun Fiscal ta prueba cu Glenbert Croes ta complice di falsificacion di un carta. E no ta kere cu mester impone un castigo di prison y a exige un boet di 1500 Florin y si Glenbert no paga e mester bay sinta 60 dia den KIA.

Abogado di Glenbert, mr. Oomen ta haya cu Ministerio Publico a bay tras di politica sin haci su investigacion debidamente.

El a cuestiona e carta fecha 25 di Mei 1998 cu PG interino, mr. van Ginkel a

manda pa Formador di gobierno, mr. Henny Eman. Den e carta aki mr. van Ginkel ta muestra cu lo bay persigui Glenbert Croes y p'esey Glenbert no por ocupa e puesto di minister. Mr. Oomen ta hayci cu aki Ministerio Publico a bay demasiado ley door di bay duna un Formador di gobierno informacion tocante un caso penal contra Glenbert Croes.

E ta kere cu tur e asunto aki tabata pa Glenbert Croes no bira minister. E ta haya cu Juez mester declara Ministerio Publico no admisibel den e caso contra Glenbert.

Pa loke ta trata e acusacion, mr. Oomen a bisa cu Glenbert Croes no tabata sa mes cu e carta tabata falsifica y tampoco e fecha. E no ta haya cu Glenbert Croes a haci un delito. El a sigui bisa cu den henter e procesverbaal, ningun caminda de Palm a bisa cu el a informa Glenbert Croes cu e carta tabata falso. Segun mr. Oomen, logico de Palm lo no haci esaki pasobra e ora ey e lo crea resistencia pa su mes. E ta haya cu Ben Wilms a gaña riba Glenbert Croes.

Awe mainta Juez ta dicta sentencia y den DIARIO di mayan lo sali kico tabata e decision di Juez.



**FADA-PRIDE
VACATURA**

Fundacion Anti Droga Aruba ta buscando un

DIRECTOR(A)

- Exigencianan:**
1. HBO-opleiding den ramo di pedagogia.
 2. Dispuesto pa duna workshops y atende seminarionan tanto local como int'l.
 3. Mester por domina papiamento, hulandes, ingles y spanjo (pa por cumpli cu exigencianan manera duna lectura na tur publico).
 4. Mester tin amplio conocimiento ariba tereno di droga y alcohol.
 5. Mester tin un bon comunicacion social.

Por solicita por escrito na FADA, P.O. Box # 1148, O'stad, alhier.

The Flame Restaurant
is looking for a
DISHWASHER

please apply in person between
1PM. - 3PM. at our Office
Noord-19-A
Aruban Citizen Only.

Grand Opening.



This saturday Come to the Grand Opening of the first and only Stride Rite store on Aruba. And give your kids the best of 80 years' experience in the careful and caring science of children's footwear.

Kids Club

Caya Betico Croes 60-62